

號，似此地活動期間與拉一普同時。及余返葉城，拉一普鄉民攜銅錢至者，絡繹而來，又搜集得百餘枚。計有孔中國錢十餘枚，有咸平通寶、天禧通寶、皇宋通寶、崇寧通寶（大錢）、元符通寶、元豐通寶等，皆北宋錢也。知此地在北宋時，頗爲興盛。按葉城在唐時屬于闐國。宋史稱乾德二年，沙門道圓自西域還，經于闐，與其朝貢使同至，後常來貢，訖于宣和不絕。但此地無孔圓錢，據本地大阿訇以及專家鑑定，認爲是伊斯蘭教初來時所通用之錢幣。但宋史乾德四年，于闐國王來書云：「破疏勒國，得舞象一，欲以爲獻，詔許之」。是宋初伊斯蘭教勢力尙未普及于闐。又回教史家記載，稱于瑟甫庫得爾汗，率四萬大軍，侵入于闐，時于闐王賈格魯克爾克魯，得西藏及回鶻之援兵，苦戰二十四年之久，至公元一千年頃，賈格魯克爾克魯卒戰敗身死，于瑟甫庫得爾遂爲于闐王。時在公元一〇〇六年，即宋眞宗景德三年。故在十一世紀至十二世紀，此地均屬喀拉汗朝統治時期。則此地之無孔錢亦即喀拉汗朝所通用之錢幣。又文正西遊錄云：「大軍發于闐，至可汗城，屠其城，使人詔諭各城，鴉爾堪城王來降，至是始隸版圖，以封諸王阿魯忽」。按鴉爾堪即葉爾羌，爲一音之轉。葉城西距葉爾羌百餘里，蒙古大軍由于闐至可汗城，詔諭鴉爾堪，則可汗城必在葉爾羌之東，于闐之西。在于闐與葉爾羌之間，以葉城爲最大最富，而舊城遺址，亦以此城規模較大，故我疑此城爲成吉思汗由于闐進兵時所屠之可汗城。此地枯骨遍地爲此城被屠後所遺。又其中時見火藥、木炭遺渣，亦可爲當時焚燬之證據。疑此城在十世紀末爲喀拉汗朝所建立，城中阿拉伯文無孔錢即當時所遺。至十二世紀初期，西遼古兒汗侵佔喀什噶爾後，繼續向和闐、庫車進兵，此城又爲西遼所佔據。公元一二一一年屈曲律篡奪西遼，亦佔據此城。其後，成吉思汗於一二一八年西征屈曲律，由和闐向西進兵，先屠此城，而城中之宋錢亦必西遼人所遺，與阿拉伯文銅錢並存也。現我已將錢幣擇要印出，以供專家研究。此不過略舉史實作參考，待全部研究出來，對於哈拉汗朝歷史研究，當有幫助。

(3) 奇盤莊佛洞與萌木克之石城 七月十八日，由葉城首途赴奇盤，轉澤普。初向西偏南行，約二十里過提仔拉普河，我國地圖稱爲聽雜布河，流于奇盤山之東，下流入沙。河寬里許，水淺可褰裳而過。渡河後，轉西南行，入戈壁，騎行九十里，至奇盤莊。有奇盤河發源于阿子安山及阿爾達格，至阿子安莊北會狹錫河水，下灌奇盤地，至準噶爾入葉爾羌河。河寬約半里，水亦不大。居民沿河兩岸而居，村舍相續。據說：「此地甚早即有居民，稱爲奇盤，故山亦以奇盤爲名」（插圖捌，6）。唐書西域傳云：「朱俱波一名朱俱盤，漢子合國也」。按「悉居半」、「朱俱波」、「朱俱盤」，均爲「奇盤」之轉音，是奇盤山爲古朱俱盤國之地。此地佛洞在奇盤莊南二十餘里。奇盤河西岸有佛洞八，均在半山岩，可攀踏而上。一、二、三洞半塞，四洞空，皆作平頂，五洞圮，六、七、八爲小洞。牆壁繪畫，均已剝離，現只餘石壁。檢查堆積灰土，中間雜有殘畫，可證洞中原有壁